

Date – 30/01/2025

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Mizoram Larsap Gen Retd (Dr) VK Singh chuan Uttar Pradesh State, Dadra and Nagar Haveli leh Daman and Diu Union Territory Foundation Day lawmna hun a vawiin khan a buatsaih.
2. Thla leh February ni 12-a Local Council leh Village Council inthlan lo awm tur atan Party tin ten campaign beihpui an thlak mek.
3. Parliament Budget Session lo awm tur pualin sawrkar chuan vawiin khan political party tin aiawh inhmukhawm a ko.
4. Union Electronics and IT Minister Ashwini Vaishnaw chuan India kutchhuak AI Model siam thuai a ni dawn a ti.

<><><>

GOVERNOR

Mizoram Larsap Gen Retd (Dr) VK Singh chuan Uttar Pradesh State , Dadra and Nagar Haveli leh Daman and Diu Union Territory Foundation Day lawmna hun a buatsaih.

Ek Bharat Shreshtha Bharat' hmalakna hnuaiiah State leh UT Foundation Day lawmna hi vawiin khan Durbar Hall, Raj Bhavan-ah buatsaih a ni a. He hunah hian Larsap chuan India rama State leh Union Territory hrang hrangte'n chanchin leh hnam ziarang ngaihnaawm tak tak an neih thu sawiin, foundation day buatsaih chu hnam zingrang, zai, lam, rimawi leh chanchin pholanna leh inhriatpawhtawmna hun remchang tak a ni, a ti a. Sawrkar laipui hmalakna Ek Bharat Shreshtha Bharat chuan hnam inpumkhatna leh hnam ziarangte inzahtawmna chawinun a tum ber thu sawiin, He programme hi India ram culture hausakzia lawmna leh inpawh lehzualna tura ruahman a ni" a ti bawk.

Kan corr report lo ngaithla ang.

VC

Governor Gen (Dr) VK Singh Larsap hian vawiin khan Raj Bhavan Durbar Hallah Uttar Pradesh State, Dadra and Nagar Haveli leh Daman and Diu Union Territory Foundation Day lawmna a buatsaih a, he hunah hian thusawiin Governor chuan, thalaite chu India ram hmasawmna chak taka kalpui mekah tha thawhtu nih

tum tur leh ram ropui taka India ram siamtu, hnam ziarang leh nunphungte zira, hriat chian tum turin a fuih a. Prime Minister kaihhruaiin India ram chu kum 2047 ah ram changkang leh intodelh, 'Vikshit Bharat' a hlankai tum a nih thu pawh sawiin, hma hun eng tak nei thalaite chu hemi kawngah hian theihtawp chhuah turin a chah a ni.

Sorkar laipui 'Ek Bharat Shreshtha Bharat' hmalakna hnuaiah Governor hian nimin khan state dang- Manipur, Meghalaya leh Tripura State-te pualin Foundation Day lawmna hun a lo buatsaih tawh a ni.

(DIPR)



WORLD LEPROSY DAY

Khawvel Pum huapa Phar natna vei pual “World Leprosy Day” chu “Unite, Act. Eliminate” tih thupui hmangin vawiin khan Aizawlah hman a ni a, National Health Mission Mission Director Dr. Eric Zomawian a hmanpui.

Thusawiin, Dr Eric Zomawia chuan. Phar natna chu India ram pumpui ah kum 2027-ah um bo vek tuma hmalak mek a nih thu leh chumi atana thawk tu NHM hnuaia National Leprosy Eradication Programme te theihtawp chhuahna chu fakawm a tih thu a sawi a. Tunhma chuan India ramah leh Mizoram ngeiah pawh Phar te chuan endawng an hlawh nasat zia a tarlang a. Department Record danin Phar natna vei mi 1500 chuang an awm tawh thu sawiin tunhma phei chuan mi engemawzat in an lo thihpui thu a sawi bawk a. Tunlaih erawh chuan Phar natna enkawlina damdawi MDT chu man to tak ni mahse a thlawn liau liaua sawrkar in a pek thu a sawi a ni.

He huna tarlan anih danin, Mizoramah Phar Natna vei Aizawl District-ah 4, Lunglei District-ah 2, Lawngtlai District-ah 3 leh Kolasib District-ah 1 an awm mek a, Phar natna chu tihbaiawm a nih loh thu leh he natna nei a inrinhlelhna neite chuan Damdawiin hrang hranga skin specialist te emaw Civil Hospital Aizawl, Department of Dermatology ah in entir thin turin a ngen bawk a ni.

He hun hmanah hian Health Department Official bakah Mizoram College of Nursing Final Year Student-te leh Health Worker Training Institute, Kulikawna Final Year Zirlai te an tel a ni.

(DIPR)



CAMPAIGN TRAILS

Thla leh February ni 12-a Local Council leh Village Council inthlan lo awm tur atan Party tin ten campaign beihpui an thlak mek a, party hruiatu hmun hrang hranga campaign-a feh chhuak ten an party zawm thar an lawm lut a.

Vawiina Lunglei-a an campaign naah ZPM Gen Hqr President Pu Lalliansawta chuan thusawiin, kalphung thar mipui sawrkar ah Minister ten theihtawp an chhuah tak zet a, hun vawndik kawngah a hmahruaitu an ni chho thei zel a. Hmingchhiatna-a an hlauh ber pakhat corruption-ah an filhim hle in an hre bawk a, an hnathawh a la langsar tulh tulh dawn a ni, a ti.

MPCC thupuangtu Dr Lallianchhunga chuan vawiin khan Aizawlah thuthar thehdarhtute kawmin, Khua leh Veng hrang hrang atangin Congress party-ah HAW

RUNPUI a thleng mek niin a sawi a, Sorkar Laipui Finance Commission in Tualchhung Sorkar te chanvo a bithliah fel vek tawh avangin Opposition VC leh LC te tan hmasawna hna tam tak a thawh theih tawh a ti a. Ruling VC nih vanga fachuam hamthatna dawng bik tura inngaih tur a ni tawh lo a, VC ni turin Ruling kher nih a ngai tawh lo a, ruling VC leh Opposition VC ten chanvo inang an chang tawh. He thu hi ZPM hotute ngei pawhin Opposition an nih laia tui taka an lo sawi tawh thin tho kha a ni, a ti.

ZPM sorkar hnuaia Mizoram hmasawna atana an mamawh chu Opposition VC a ni a ti a, ZPM Ruling Worker te'n khawchhunga leh veng chhunga hna an thawh te hneh taka lo vil thei tur Opposition VC tha chu Congress party in Zoram mipuite an tiam a ni, a ti. Ruling VC leh Ruling Worker te inkarah 'in endik (check) tawn theihna' a awm that a beisei awmlah avangin hmasawna tha leh tlo duh khua tan chuan Opposition VC thlan mai a tha ber ang a ti.

MNF Vice President Pu Lalchhandama Ralte chuan VC inthlan lo awm turah MNF chuan hnehna sang tak chan tumin hma a la mek tih vawiina Tuivawl bial fanga Village Council inthlan lo awm tura a campaign na ah a sawi a, ZPM Sawrkar an hrawn mekin chhiah chi hrang hrang hmangin mipui an rawk mek tih sawiin MNF sawrkarah erawh ram tana hmasawna tam tak an thlen tih a sawi.

(DESK)



DIG

Vawiin khan DIG (Eastern Range) Pu Rohit Meena chuan Khawzawl a tlawh a, S.P. Office, Police Station leh 2nd. IR Battalion Headquarters te a tlawh a ni.

DIG Pu Rohit Meena hian SP Office-ah Staff te kawm kualin, an dinhmun leh an harsatna tawh te a zawt a. Hemi hnu hian Thana leh 2nd. IR Battalion Headquarters te tlawh leh Staff te a kawm leh a ni. Vawiina an inkawmnaah hian Khawzawl Police te chuan an hmalakna hrang hrang te tarlangin dan phal loh phur kaltlang an awm lohna turin Khawzawl Hermon vengah leh Tuisen phaiah Check gate an siam thu leh heng Check gate-ah hian nitin darkar 24 duty dah thin a nih thu te an tarlang a. Khawzawl District-ah Police Station pakhat, Khawzawl chauh a awm thu leh Staff indaih lohna avanga harsatna an tawh thin dan te an lo thlen a ni.

DIG Pu Rohit Meena hian tun tumah hian Eastern Range huamchhunga District 3 - Saitual, Khawzawl leh Champhai District te a tlawh kual a. Zaninah Khawzawlah a riak ang a, naktukah Champhai a pan dawn a ni.

(Lalsangpuii Khawzawl PTC)



CHAMPHAI

Lalchhanmawii (C Mawii tia koh) kum-44, Khawmawi, Myanmar, tum hnih Mizoram jail atanga tlan chhuak tawh chu nimin khan Champhai Police-ten an man.

Lalchhanmawii hi Central Jail, Aizawl atangin November 30, 2023 khan a tlan chhuak a, May, 2024 ah Champhai ah an man leh a. December 18, 2024 zing dar 2 velah a tan pui hmeichhe pakhat nen Champhai District Jail atangin an tlan chhuak leh a ni.

Champhai Police leh Champhai District Jail a thawktuten nasa taka an zawn hnuah Lalchhanmawii hi nimin tlai khan Zokhawthar ah YMA duty ten manin Champhai Police-te kutah an hlan a, a tlan chhuahpui Suinunfeli (kum 36 mi), Tahan C-Group, Myanmar chu zawn mek zel a la ni a, Lalchhanmawii hi kum 2014 chho vel atang khan heroin No.4 vangin Police, Excise, YMA (kumpulan, SRS, CADS) ten vawi tam tak an lo man tawh thin a, Police hotute hnen atanga thu dawn danin venthawn thilah Champhai District Jail a dah nawn tawh lovin Aizawla Central Jail a dah turin zanin hian Champhai atangin venhimna khauh zawk nen Aizawlah thawn a ni ang.

(Lalhlupuia PTC Champhai)



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



KHAWZAWL

Khawzawl RD Block-ah tun Sawrkar kum kal mekah hian MGNREGS hnuaiyah mipui inhlawhfakna vawi 93 thawh a ni tawh a, tunah hian mipui inhlawhfa ten nikhat ah Rs.249/- an hlawh a ni.

Tun Sawrkar kum kal mekah April thla khan ni 10 inhlawhna kalpuiin May-ah ni 14, June-ah ni 10, July-ah ni 10, August ni 8, September ni 12, October ni 10, November ni 10, December ni 2 leh January-ah ni 7 inhlawhna kalpui a ni tawh a ni.

Khawzawl RD Block-ah hian VC 38 awmin tun dinhmunah Job Card nei hi mi 8,641 an awm mek a ni.

(Lalsangpuii Khawzawl PTC)



ALL PARTY MEETING

Parliament Budget Session lo awm tur pualin sawrkar chuan vawiin khan political party tin aiawh inhmukhawm a ko a. He hunah hian Union Minister zingah Defence Minister Rajnath Singh, Health Minister JP Nadda, Parliamentary Affairs Minister Kiren Rijiju te bakah Congress MPs Jairam Ramesh leh Gaurav Gogoi te, TMC MP Sudip Bandyopadhyay, Samajwadi Party MP Ram Gopal Yadav, BJD MP Sasmit Patra, leh DMK MP T.R. Baalu te pawh an tel a ni. He inhmukhawmah hian sawrkar chuan Parliament rorel inkhawm tluang taka hman anih theih nan thawhpuih Political Party tin hotute a sawm a ni. Union Parliamentary Affairs Minister Kiren Rijiju chuan naktuk Parliament tanniah President Draupadi Murmuin thu a sawi dawn a ti a. Pu Rijiju chuan bill 16 leh business 19 ziahluh tawh a ni a ti bawk.

(Byte)

Union Finance Minister Nirmala Sitharaman-I chuan Inrinniah Union Budget 2025-26 a pharh ang.

(Newsonair)



US

US-a khualzin phur thlawhna leh sipai helicopter insu avangin mi 18 an thi. Thudawn danin Washington DC-a Reagan National Airport-ah US Army Black Hawk helicopter leh khualzin phur thlawhna te chi hi boruaka an awm laiin an insu a. Thlawhna tlankawng runway hnaih takah vanduinah hi a thleng niin Federal Aviation Administration chuan an sawi a. Khualzin phur thlawhna hi Kansas atanga Washington rawn pan niin a chhungah mi 60 leh thawktu 4 an chuang a. Helicopter hi training lai khalh niin sipai pathum an chuang a ni.

(Newsonair)



INDIA AI MODEL

Union Electronics and IT Minister Ashwini Vaishnaw chuan India kutchhuak AI Model a siam thuai a ni dawn a ti. Vawiina New Delhi-a chanchinbumite a kawmnaah he thu hi sawiin he AI model hi khawvel huap pawha a tha ber berte nena inel thei tur a ni a ti a. India AI model siam tur hian ruahmanna pawh siam niin rawtna siam duh tan hun hawn a ni a ti. Union Minister chuan him taka AI hman anih theih nan a enkawlna tur din a ni ang a ti a. India AI Mission chuan tunah hian a bul tanna tir lam Graphic Processing Unit GPU target a pel tawh a ti a. GPU sing 1 sang 8 leh 693 thawktu thei tur siam tawh niin sumdawng tirtu, zirbingmi researcherte leh software siam thinte hman theih turin peih thuai a ni ang a ti a. Tunah hian India chuan GPU tha chi sing 1 leh sang 5 chuang a nei mek a ti bawk.

(Newsonair)

